

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۱ نجی سنہ

۹ ربیع الآخر ۱۳۳۰

❁ پنجشنبہ ❁

جزو عدد : ۱۳۹

آچیق مکاتبه

کامل امضای بر استیضاحنامه به جواب

آلدیغز بر تذکره ده :

بر بخاربه رسمیه صره سنده ، « » بینه مجلس اداره مذکور جه اتخاذ ایدیلان قراره نظر آ . . . » عباره سنده کی (مجلس اداره مذکوره) ترکیبش موافق قاعده اولوب اولدیغنده اشدباه اولمسنه و بعض ذوات (مجلس اداره مذکور) و بعضلرده (مجلس اداره مذکوره) ترکیبش طوغری اولدیغنی افاده ایتمش اولمسنه مبنی بو ترکیلردن هانکیسینک موافق قاعده اولدیغنی استفسار اولیور .

*

بو ترکیده مطابقت لفظیه آریانلر شیوه عثمانی نقطه نظرندن حقلیدر لر . فقط قاعده لسانییه شیوه لسانه ترجیح ایدنلرجه صواب اولان (مجلس مذکور اداره) ترکیبی در . چونکه (مذکور) لفظی اداره بی دکل ، مجلسی توصیف ایتمکده در ، که (ذکر اولان اداره مجلسی) تقدیرنده در .

شیوه فارسی بی نصلسه بزم طبیعتمز خوش گورده مامش . عجمک :

معشوقه ، مرکب از اضداد مختلف

باطن مثال آتش و ظاهر مثال برف

یتمده کی (اضداد مختلف) ترکیبی بز قوللانه میز . (اضداد مختلفه دن مرکب) صورتنده افاده ایدرز . فضولینک : « اوضاع مختلفله قر دور شهر ایدر . » مصراعی ، ظن اولمسون که ضرورت وزن الجاسیله سولنمش سوزلردندر . بلکه شیوه فارسی ایله مألوف اولسی ، آتی بو طرز افاده یه سوق ایتمشدر . حتی (ضرورت وزن) معذرتنه احتیاج اولمیان عبارات منشورده سنده ده فضولی بو عتیدانی محافظه ایتمکده در .

آگا ایسه شکایتنامه سنک : « بن امت منسوخ کبی مقطوع الامل » اول آیت منسوخ کبی ممنوع العمل « ترصیعی الڭ بلیغ شاهددر .

شایان دقت حالاندندر، که املاسنده خطاسنر و فقط لساننڭ قواعدنده جاهل بر آدم ، یازمه جفی بر تندکرده سوق افاده ایله (خانه مذکور) (بنده قدیمه) (همشیره محترمه) (یازارده) (خانه مذکور) (بنده قدیم) (همشیره محترم) (یازمه جفی خطا عد ایدر . حتی غلطات فاحشه رسمیدن (طوبخانه عامره) (تلغر افزامه سامیه) (فتوی خانه جلیله) ترکیبیری دخی هپ شیوه لسانه مغلویتندن ایلری کلشدر . ۱) دقت اولنمازی، که السنه اجنبیدن آلدیغز کلتانی بیله آخرلری متحرک اولدینی ایچون ایستالیان شیوه سبله قبول و استعمال ایتمکده یز : (پروستو) (سکوسترو) (قونسنتو) (بارومترو) (یارلمتو) دیورز ؛ (پروسته) (سه که ستر) (قونه سمان) (بارومتر) (یارلمان) دیمکی ثقیل کوریورز .

بعض مصدرلری بیله آهنگدار بوله مدغمزدن مصدر اندر مصدر صورتنه تحویل ایدرز : رجحانی (رجحانیت) نقصانی (نقصانیت) بعدی (بعدیت) تمامی (تمامیت) حتی اسلام لفظنی بیله (اسلامیت) یازمقدمه لطافت تصور ایلرز . مفردانده دخی بعض کله لرنڭ آخرلرنی حرکه لی قوللانمده یز . (ماهیه) (سالیه) دیورز . دها غریبی (یا) لرنڭ تشدیدیه تلفظ ایدیورز . و بونلرنڭ منسوب اولدینی لسانده اصلی (ماهیانه) و (سالیانه) اولدینی بیلسه کده ینه اعتیادمزی بوزمیورز . مع مافیه لسان رسمیده مستعمل (ترکیبات فصیح) بیله مباحث لسانیه و انشائییه مدار استشهاد اوله ماز . زده قالدی که بالاده کی ترکیب مشوش کبی شیلر موضوع بحث اوله بیلسون .

۱) نه اولوردی برکرده بر ادیب و یا منشیمن خطاسننده یا گیلوبده صواب ایشامش ؛ (ضابطان عسکری) ترکیبنی قوللانمش اولسه ایدی قیامتنی قوپاردی ؟ نه چاره که یز بشرفه آنهک افاده به تابع ، بوصورت خوشنزه کتبیور .